



RÍKISLÖGREGLUSTJÓRINN

ALMANNAVARNADEILD



STÖÐUSKÝRSLA

Dags: 15.01.2020

Kl.: 17:30

Staðsetning: Björgunarmiðstöðin í Skógarhlíð

Snjóflóð á Flateyri og í Súgandafirði

Lýst var yfir neyðarstigi þann 15. janúar vegna snjóflóða á Flateyri og í Súgandafirði. Þrjú snjóflóð féllu á skömmum tíma á tólfta tímanum þann 14. janúar á norðanverðum Vestfjörðum. Tvö snjóflóð féllu á og við Flateyri, annað utan við leiðigarða og yfir þá og lenti á húsi þar sem fjórir voru inni. Stúlka grófst í flóðinu og var henni bjargað, aðrir komust út af sjáfsdáðum. Hitt flóðið féll innan við leiðigarðana og alla leið ofan í höfnina þar sem bátar slitnuðu frá og nokkrir sukku. Þá féll enn eitt flóðið úr norðanverðum Súgandafirði niður á Norðureyri og fram í sjó. Við það myndaðist flóðbylgja sem skall á höfninni og fjörunni á Suðureyri þar sem bátar slitnuðu frá og sjór flaut um næstu götur. Tjón liggur ekki fyrir.

Samhæfingarstöðin í Skógarhlíð var virkjuð þann 15. janúar kl. 23:56. Samhæfing aðgerða fer fram í Samhæfingarstöðinni.

Aðgerðarstjórn á Ísafirði var virkjuð kl. 23.44 og er enn að störfum

Samantekt

- Veður – snjóflóðahætta á Vestfjörðum
- Vegakerfi/samgöngur – vegum lokað við Súðavíkurhlíð, Eyrarhlíð, Skutulsfjarðarbraut, Kirkjubólshlíð og Flateyrarveg
- Rýmingar – farið eftir ráðleggingum snjóflóðavaktar Veðurstofunnar
- Lögreglan – samhæfir aðgerðir
- Björgunarsveitir – mat á aðstæðum og afleiðingar, aðstoð við íbúa og tilfallandi verkefni
- Neyðarlínan – SMS send á íbúa á Suðureyri og þeir beðnir um að vera ekki á ferli utandyra á svæðinu; Aðalgata, Eyrargata, Skipagata, Freyjugata og hafnarsvæðið – ítrekað var að um varúðarráðstöfun væri að ræða.
- Rauði krossinn – Mikil áfallahjálp framundan. Opnun þriggja fjöldahjálparstöðva.
- Flugsamgöngur – Ófært vegna veðurs
- Landhelgisgæslan –Varðskipið Þór er á Flateyri – Þyrlan send vestur í sjúkraflug og með björgunarsveitarfólk seinna í kvöld.
- Heilbrigðisstofnanir – daglegt viðbragð ræður við verkefnið að svo stöddu
- Eignatjón – Eitthvað tjón verið tilkynnt á húsum og munum á Flateyri, minna á Suðureyri. Eftir að leggja frekara mat á tjón.



RÍKISLÖGREGLUSTJÓRINN

ALMANNAVARNADEILD



Staða mála

Veður

- Óvissustig vegna snjóflóðahættu er í gildi á norðanverðum Vestfjörðum
- Hættustig vegna snjóflóða er í gildi á Ísafirði.

Veðurspá næsta sólarhringinn: Norðaustan 10-18 m/s klukkan 15, en ennþá 15-20 m/s úti fyrir Vestfjörðum, og allt að 23 m/s í vindstrengjum við Snæfjallaströnd. Dregur hægt úr vindi fram á kvöld. Klukkan 21 verður síðan orðin norðaustan 8-15 m/s, og 5-13 m/s um miðnætti. Snjócoma í fyrstu, en dregur hægt úr ofankomu, verður orðið úrkomulítið seint í kvöld, og styttr upp seint í nótt. Austlæg átt 5-13 m/s á morgun og él sunnantil, annars þurrt. Hiti nálægt frostmarki

Vegakerfi/samgöngur

Vegir við Súðavíkurhlíð, Eyrarhlíð, Skutulsfjarðarbraut, Kirkjubólshlíð og Flateyjarveg eru lokaðir vegna snjóflóðahættu samkvæmt Vegagerðinni. Mannaðir voru lokunarpóstar á öllum helstu stöðum. Vegfarendur eru eindregið hvattir til að virða þessar lokunarráðstafanir.

Skutulsfjarðarbraut var opnuð kl. 15, og Eyrarhlíð, Kirkjubólshlíð og Súðavíkurhlíð kl. 17.

Rýmingar

Unnið er eftir ráðleggingum frá snjóflóðavakt Veðurstofunnar.

Ákveðið hefur verið að rýma fjögur hús í Seljalandshverfi á Ísafirði. Húsin sem rýmd hafa verið eru undir varnargarði á Seljalandsmúla og eru næst garðinum. Hættumat gerir ráð fyrir því að ef mjög stórt snjóflóð fellur á garðinn geti gefið yfir hann og valdið tjóni.

Fólk hefur einnig verið beðið um að yfirgefa nokkur hús í dreifbýli á N-Vestfjörðum.

Lögreglan

Samhæfing aðgerða er í höndum lögreglu.

Tveir lögreglumenn eru staðsettir á Flateyri og sinna vettvangsstjórn. Fulltrúar almannavarnadeildar hafa verið að störfum í Samhæfingarstöð frá virkjun hennar.

Björgunarsveitir

Unnið er að því að koma fleiri björgunarmönnum vestur til þess að styðja við viðbragðið á svæðinu í komandi verkefnum

Þrjár aðgerðarstjórnendur starfa í Samhæfingarstöð.

Flateyri

Björgunarsveitin á Flateyri stödd í bænum auk 12-15 björgunarsveitamanna sem komu með varðskipinu Þór í morgun.

Suðureyri

Björgunarsveitafólk hefur unnið að því að kanna aðstæður og umfang afleiðinga flóðbylgjunnar. Dróni var notaður til að kanna aðstæður á norðurhlíðum Súgandafjarðar til að gefa gleggri mynd af líkum á frekari flóðum.

Neyðarlínan

Neyðarlínan er með mönnun í samhæfingastöð. SMS voru send í tvígang á íbúa á Suðureyri þar sem þeir voru beðnir um að vera ekki á ferli utandyra á svæðinu; Aðalgata, Eyrargata, Skipagata, Freyjugata og hafnarsvæðið og neðan Sætúns. Um er að ræða varúðarráðstöfun. Ítrekað var að ekki væri um yfirvofandi hættu eingöngu varúðarráðstöfun



RÍKISLÖGREGLUSTJÓRINN

ALMANNAVARNADEILD



Rauði krossinn

Þrír fulltrúar í Samhæfingarstöð.

Fullrúi RKÍ á Ísafirði er í aðgerðastjórn.

Fjöldahjálparstöð í Kiwanishúsinu á Ísafirði vegna rýminga. Um 35 manns dvelja þar.

Fjöldahjálparstöð í Fisherman-húsinu á Suðureyri. Um 9 manns dvelja þar.

Fjöldahjálparstöð opnuð á Flateyri kl. 15.

Fólk hvatt til að nýta sér hjálparsíma Rauða krossins, 1717.

Samráðshópur áfallahjálpar á landsvísu hefur verið virkjaður, kemur saman og metur aðstæður.

Flugsamgöngur

Áfram er ófært vegna veðurs. Athugað verður með flug vestur í fyrramálið. Ráðstafanir hafa verið gerðar að flytja björgunarmenn með flugi vestur við fyrsta tækifæri

Landhelgisgæslan

Varðskipið Þór er staðsett á Flateyri og verður staðsett þar áfram að öllu óbreyttu.

Á þriðja tímanum í dag var áhöfn þyrlu Landhelgisgæslunnar kölluð út í sjúkraflug á Flateyri og Ísafjörð. Þá voru vistir og annar búnaður einnig fluttur með þyrlunni vestur. Þyrlan flaug fyrst með rafhlöður á Suðureyri auk þess sem hún náði í 100 kíló af matvælum og fyrir Flateyri. Frá Flateyri voru þrír fluttir til Ísafjarðar og þá var sjúklingur fluttur frá Ísafirði til Reykjavíkur.

Verið að kanna með möguleika á að flytja björgunarmenn og áfallateymi með þyrlu vestur seinna í kvöld.

Varðskipið Þór flutti áfallahjálparteymi og vistir frá Ísafirði til Flateyrar í morgun.

Varðskipið Þór var staðsett á Ísafirði og hefur verið þar síðan á fimmtudag vegna veðursins. Skipið var strax gert klárt til brottfarar og flutti 24 björgunarsveitarmenn, tvo lögreglumenn og sjúkraflutningamann, auk læknis frá Ísafirði til Flateyrar. Þór komst ekki inn í höfnina en ferjaði fólk með léttbátum í land.

Þyrlusveit Landhelgisgæslunnar var sömuleiðis kölluð út og var í viðbragðsstöðu á Reykjavíkflugvelli. Hún er að sinna sjúkraflutningi af Flateyri yfir á Ísafjörð og frá Ísafirði til Reykjavíkur.

Heilbrigðisstofnanir

Þyrla LHG fer í sjúkraflug til að flytja veikan einstakling frá Flateyri á Heilbrigðisstofnun Vestfjarða á Ísafirði.

Daglegt viðbragð á svæðinu ræður við verkefnið að svo stöddu, ekki þörf á utanaðkomandi aðstoð.

Eignatjón

Reynt að meta eignatjón eins og hægt er en gengið erfiðlega vegna veðurs. Náttúruhamfaratrygging Íslands hefur verið upplýst

Hafnarstjórn í samvinnu við Umhverfisstofnun, Landhelgisgæslu og aðgerðastjórn vinna að því að meta mengunarhættu og aðgerðir henni tengt.